

兩
浙
輶
軒
錄

兩浙輜軒錄卷三十目

沈沛然 岑兆松 吳名夏 祝華頂 梁履祥

朱揆中 毛元勳 查學 許承祖 查義

何元煥 俞楷 章乾中 王謨 伯劭

張燿 應昌緒 吳嶸 曹允文 鮑鴻勛

章金榜 汪樵 柴勤本 慎芝 陳美訓

鄧炳 劉揚善 許景仁 朱張灼 李崇賢

章兆會 沈世隆 朱景倩 郭倫 丁百川

洪濤 胡懋新 汪鑒 潘汝舟 唐九皋

潘澂 范中行 吳應鰲 萬年治 金玉音

盛世 王臚 諸葛第 杜時芳 趙鉞

徐紹溥 樓秀起 李秀邃 陳孔揮 倪光熊

張素懷 周 冕 李天衢 唐嗣益 金 曉

陳敬脩 陳秉倫 潘洪疇 章周易 章周詩

林文元 董世熙 董香齡 張景和 江浩然

朱 蔚 董士嘯 丁 植 葉 丰 鄒 瀚

王 瓊 陳廷獻 王崧壽 翁光遠 吳修道

田嘉穗 申發祥 李學乾 汪鳴珮 朱式玉

邵昂霄 邵廷鎬 張元旭 史 闡 鍾蘭枝

李正馥 蔣茂春 張世仁 倪錫祺 王守矩

楊仲達 馮式襄 孫 煜 張 海 柳 溥

毛元存 沈祖蔭 沈 增 沈 珏 張 琦

浙輜軒錄卷三十

督學使者阮元訂

沈沛然

字霖齋，平湖人。乾隆丙辰進士，官高安、鉅縣。

李少雲

靜守丹爐，日掩門時。披霞帔，坐松根。春山一宿，白雲曉。只有

梅花知夢魂。

岑兆松

字春江，餘姚人。乾隆丙辰解元。

庭諸公游寶蓮精舍酒酣分韻，輒自署解元。岑某刻于竹間，榜發果驗。後屢上公車，報罷。商實意太守，寄以詩曰：秋榜才名標第一。

本

朝科甲重三元，如何自聽覽。棠後五度春風，負杏園商詩上二語。集唐子畏解大紳話。

越風春江將進酒，氣機流逸以不規。推藥府為高。

將進酒

三山海外果有無，秦皇漢帝何其愚。沙邱既亡輪臺悔，徐市

不返文成誅將進酒莫停手甲帳樓船今在否

出疇郭解人間雄睢盱直欲凌王公朝坐華堂暮廣柳詔令
豪傑遷關中將進酒莫停手鄭泉舉卓真吾友

惠風蕩蕩從東來坐中主客舒春懷齊奴逸少不可作蘭亭
梓澤成蒿萊將進酒莫停手昨日壯夫今日叟

人生仕宦須少年五十便可歸園田鳶肩火色易騰上素髮
垂領遭連遭將進酒莫停手白眼茫茫看星斗

吳名夏

字鶴庭烏程人乾隆丁巳進士官光澤知縣

三元宮

人稀知境遠野曠覺天寬身與時俱適心依道自安竹疎宜
對酒花好且憑欄何物酬清供旃檀香一盤

祝華鼎

字洵支號九日海寧人乾隆甲子舉人

聞擣衣

一樹西風起鳳城千門萬戶擣衣聲不知塞外寒多少祇覺

閨中月倍明

梁履祥

字吉人一字伊
涇海寧諸生

汪淮曰伊涇當夢吏人持板朱書伊涇二字示曰公
他日當作此方卒覺而莫解因以爲號年四十卒

題書齋壁

讀書破萬卷始基在童蒙時哉一以失天人兩無功虛擬若
有得博觀浩無窮如何心性地甘以冒昧終

介甫說遺經禍較秦火烈春秋天子事朝報尤邪說向非程
朱起微言日以滅最憐後世人不量欲自絕

聖言存其似此論殊未公真偽不嚴辨附會滋益工虞廷臣
君父謬語訶齊東何乃書小序好奇翻推崇

風詩雜美惡淫奔時有之卽如桑中契寧非定情詩採風史
所掌無邪我所持好賢刺時政紛紛空爾爲

魯公薨于車吳師入于郢仇讎賞報復大義天地炳不見文
定公反覆以相警瀆武豈樂論羣疑盍深省

經史詩之源唐賢詩之軌正聲畱宇宙匪自唐賢始不聞杜
陵翁熟精文選理勿爲東坡愚任意乃訾毀

朱揆中

字納言海寧諸生

遺興次逸兄韻

無事不尋事偷閒便得閒澄觀同止水却埽卽深山漫擬羲
皇上何爭廉讓間黃庭堪遣日隨分證三關

毛元勳

字清若海寧諸生著松廬齋詩

送蘭若

憲遠談經處招攜一徑深無山雲亦到不雨竹長陰殘鉢分
魚食清鐘雜鳥音石橋潭水靜空翠上衣襟

查學

字七倫海寧監生嗣栗子
候選知縣著現北詩草

杏花

一聲牧笛到愁邊忽感看花又隔年夢裏江南沽酒路小橋

村店有人烟

許承祖

字繩武自號雪莊居士海寧
副貢生著西溯漁唱七卷

俞寶華曰許承祖
爲編修燁同懷弟

湖心亭

百徧清遊未擬還孤亭好在水雲間倚闌四面空明裏一面

城頭三面山

查

義

字如岡一字堯卿號遜佛海寧人
國朝詩因一百卷著選佛詩鈔

循初及次功第出示陶然亭賞雪詩和作

昨飲玉山

京師旗亭名

盡一石飛落金臺雪三尺平地先馳轆轤

車巉巖更蠟登臨屐詰朝載酒城南亭城南亭子如建瓴小
坐但生虛室白放眼已失西山青此景我非目親見傳來詩
句冷然善諸君吟力退寒威日暮不持寸鐵戰我作和詩如
同遊平生道路常悠悠西風雨雪藍關外獨上燒丹老子樓

何元煥

字善章號雪村海寧監生著拾遺集

歸遊西湖

錢塘門外上湖船湖上春殘劇可憐拂水垂楊多旖旎銜花
飛燕自翩翩歸途小住逢三月屈指重來又五年到此應須
頻著句莫教西子笑空還

俞楷

字正之號龍庵海寧諸生著存雅堂集

俞寶華曰範庵公績學爲仁和
杭太史世駿所重延課諸子

遠岸

遠岸望如畫夕陽紅未沈鷺飢窺渚久鶴倦坐松深山學美
人髻雲知高士心鯨鐘響何處橋外指禪林

登吳山訪友

細磴梯空上奇懷觸目成山穿城堞入雲壓市闌生深入竹
柏徑微聞鐘磬聲捲簾吸湖淥吟思不勝清

章乾中

字君懷一字蓉
江海軍諸生

早發西山口占

絺衣莫禁五更風迤邐鐘聲三寺通回首西山山上路不知
身山白雲中

王

謨

字景文海
寧諸生

汪淮曰王景文
工書善駢體

春日南窗卽事

綠陰庭院足幽棲
掩徑悠然意自迷
閒日高眠春夢覺
小窗疏竹叫黃鸝

柏

硯字近甫一字霞
軒海寧諸生

靈隱寺

古刹千年在奇峯
四面同我來尋勝
迹磬響落天風
猿去雲纒住泉存色
相空徘徊意不盡
僧話夕陽中

張

耀字緩周一字樸
潛海寧諸生

九日集近野軒

驚心秋老發生華
覽古登臨逸興賒
崔曙空懷關尹喜
褚裒早識座中嘉
題襟有句酬佳節
近野開軒就菊花
縱飲不嫌

更漏永歸途雲淡月光斜

應昌緒

字人駉海寧貢生著蕙圃剩稿

癸未暮春望日重過雲棲寺贈承祖長老

短筇得得訪名藍
逕轉溪迴路舊諳
正喜山中剛月半
却逢客到又春三
嵐光潭影空諸相
竹雨松雲定一龕
願向如來求解脫
請花飄處白猿參

吳

嶸

字介如海寧人錢塘諸生著石齋遺稿

西湖竹枝詞

裏湖日暗外湖明
雨脚收來鏡面平
恨煞白沙堤一道
無端隔斷兩邊晴

種菱種過秋雪滿
採蓴採到裏沙河
勸郎莫怪蓴絲滑
菱葉中間刺更多

四聖觀前烟浪深西泠橋下月初沉
神燈夜夜常來往不照湖心照妾心

曹允文

字東侯餘杭諸生

登長生閣時大雪初下

獨倚危樓望山色朔風吹面雪漫漫
興來載笠衝寒去不訪袁安便戴安

鮑鴻勛

昌化貢生官陝江縣丞

竺雲山

寂寞寒山頂豪呼意欲仙烹茶分野席
採藥滌巖泉竹密藏鳩雨松稠破鶴烟
金經閒一讀高臥可忘年

章金榜

字元輝昌化諸生

顧一繼
日章金榜事母至孝聞

龍門精舍

龍門岩壑倚天開，掃榻長懸秋色來。
可訝洞中泉作雨，不妨松上石爲臺。
清風坐倚哀猿嘯，夜月吟高宿鶴猜。
慚負十年蹤蹟異，經過此地重徘徊。

汪

堦字思誠湖州人著勞園詩集

虎邱竹枝詞

一拳癭石倚青天，日費蘇州萬萬錢。
只有春風歸去後，綠陰閒殺盪湖船。

柴勤本

字功造號松崖烏程人

陳焯曰：松崖幼卽善詩賦，兼工指頭字畫篆刻，未冠而歿。

夜渡荷葉浦

月暗一江黑，風高孤艇寒。
誰家門未掩，燈火照前灘。

咏夢

今古皆如夢茫茫大小同神遊天地外境在有無中習靜三生悟忘機百慮空飄然何所似蝴蝶舞春風

慎芝

歸安諸生

歸雲庵

晨起踏雲根還就雲中立不見雲起時但覺衣裳濕

陳美訓

字獻可鄞縣國子生著南湖集

山居

邨前平衍背當岡植竹編籬自作牆山果熟時猿得食田禾刈後鵲無糧木橋疊石溪流白艸屋添茅雨滴黃向晚柴門烟霧裏荷鋤人至更攜筐

鄧

炯 字昭武一字蔚齋象山貢生候補訓導著二知亭詩草

采桑曲

二月青蟲化爲蝶三月蠶生桑吐葉麥浪衝風菜畝香四月
家家行采桑采桑桑葉滿食緩采亦緩采桑桑葉稀蠶飢
亦飢饑飢猶自可蠶飢愁殺我

劉揚善

字舜興號歷山山陰諸生著瑤青閣詩集

越風瑤青閣詩向在鄧城手爲選定今
所存止此不知身後遺藁散失何處也

阿城山謁西楚霸王墓

驅車歷碌似奔雲凭眺東阿日已曛楚漢戰爭前代事英雄
塵土一邱墳斬蛇道古還開哭戲馬臺空竟失羣成敗論人
與豎子長陵今已徧耕耘

許景仁

字彥子號潤翁山陰人著潤上詩鈔一枝軒集

涇州過河作

山城曉露隔溟濛涇水西流路轉東馬跡成窪連日雨雁沙
布師大河風荒荒草驛當秋盡漠漠鄉關似夢中感歎浮生
同敗葉天涯誰與慰飄蓬

朱張灼

字孟耕
山陰人

早發雙江臺

曉日雙江望層陰四面開趁潮螺女舞駕海蜃人來浪蹟濼
丹嶂雲情寄碧苔披襟成獨笑彷彿小蓬萊

李崇賢

字同人號于禁會稽人官
姚安知府著種山亭集

劉雪柯月夜攜所寫雪景過示

溪曲沈沈暮短籬門向開我將詩獨坐君與月俱來粉水寒
山雪香叢古屋梅衰安堪共臥身世一蒼苔

章兆曾

字梅湖會稽人官澄海
知縣著東柳山樵集

紅鵝莊

草長鶯啼春晝長平原風送杏花香青驄嘶過紅鵝店回首

溪橋半夕陽

沈世隆

字遠初號旭亭蕭山歲貢生官黃巖教諭

歸家

燕歸無壘作鶯遷聊蹴南山屋數椽放眼林巒圖畫裏清談

風月酒樽前得逢舊友欣多話好就鄉人學種田真覺羲皇

時未遠醉來高枕北堂眠

朱景倩

字曼仙蕭山人

蔡英曰越風存曼仙詩一首而邑中無知其人者

三歸臺

駢邑分封盡東河剩有臺雖非王者佐亦是救時才古砌消

烟雨殘碑長蘚苔遙思盟伐日登眺亦雄哉

郭倫

字幼山蕭山人乾隆丙子舉人著幼山詩集

紹興府志倫祖為棟明季諸生著晉書摘謬倫幼即以己意考其是非得失及長取晉書刪正為世系一本紀內紀一志八列傳四十一十六國錄十四凡六十八卷歷十五年成書題曰晉記學使者雷公為之序而刊以行

南粵雜詩

九月秋高漸薄涼榕陰匝地綠生香江村矮屋杉皮瓦城邑
高樓牡蠣牆蛋戶生涯舟一葉島夷互市稅連檣客囊裘葛
關心換尙覺年年衣帶長

丁百川

字學海蕭山人乾隆丁丑進士官贊皇知縣著榕溪詩稿

須女泉

草滿平皋水滿陂一泓芳沚繫人思靈源湛湛開粧鏡新月

娟娟偃翠眉花塢坐深啼鳥狎野橋行過浴鷗知乘槎不用
通銀漢領取春風在水湄

洪

濤

字靜瀾號晉山餘姚人著蕙江逸叟稿

姚江詩存晉山先生砥行積學雖馳驅南北不廢吟咏所著蕙江逸叟詩皆至性中語非僅雕鏤風月而已

紅蓼灘弔趙子昂

尋常烟火逼溪寒松雪門牆倚棹看斜照半林秋似畫蓼花
紅過摸魚灘

胡懋新

字敬懋會稽人著澄心堂詩

黔南

清秋蕭瑟夜如何燕去鶯歸歲易過南北故人芳草遠古今
陳迹夕陽多雲連霜氣寒山骨風入黃花映綠蘿欲就蓬萊
弄明月自憐人事日蹉跎

兩浙輶軒錄卷三十

九

汪

鑒

字津夫餘姚人著津夫詩鈔

關索嶺

將軍開鑿事南征終古崎嶇一日平石裂五丁通蜀道峯連
六詔控番城小人膽破豬豨雨遺廟靈驅草木兵鬼國何當
生度日白雲班馬去程程

潘汝舟

字涇川餘姚諸生著印雪齋集

送友人之漢陽

晴川芳樹漢陽城三楚波濤壯客程度曲知傳羅噴意浮家
倘有志和情滄浪夜月漁歌靜赤壁秋風鶴夢清別後詩筒
傳好句衡陽莫負雁歸聲

唐九皋

字虞山上虞諸生著虞山詩稿

懷徐梅川

杜陵家在百花洲
日日臨窗豁遠眸
詩格老來都入細
交情深處又逢秋
江聲破夢當山角
雲影遮人駐嶺頭
惟有月明堪寄意
暫時伴我過南州

一潘

澂

字冰壺新昌諸生著看奕堂集

蔡英曰冰壺僑寓揚州工詩善畫吳中頗有時譽

丁丑秋日入都省舅氏諸友虹橋餞飲賦別

虹橋柳色竟淒然
况是邗江白露天
樓外晚山蒼帶雨
堤邊秋水白生烟
故人情重頻呼酒
遊客思深嬾放船
迢遞京門千里月
輸他憔悴利名牽

范中行

字爲信一字傳人號復齋天台歲貢生

遊華頂茅庵

萬八青蓮頂
編茅築小庵
壺天山上下
杯水海東南
晝自憑

高寫詩惟作偈參到來秋更好茶煮菊泉甘

吳應齋

字藥圃寧海貢生

陳焯曰藥圃才思豪逸少年來往天台臨海間與息園彝門倡和娶葉氏卽彝門表妹與藥圃鬪題分韻課花賞月極聞中之樂葉亡而藥圃意興頓減矣

寄友人讀書華頂

才人高臥白雲巔合與名山有夙緣洗出晴雲孤掌立送將
紅日半峯懸須知上界眞仙窟別具壺中小洞天占得清閒
風味好詩情端屬李青蓮

萬年治

字配金寧海人

冒雨過四明嶺

纔出松陰眼忽明微茫塔影霧中橫塵緣易別名山勝遊展
難逢幾日晴一片斷雲飛不定半溪微雨過無聲扁舟已泊

寒塘晚新水平橋泛鳴輕

金玉音

字子澄號穆齋太平人

陳焯曰穆齋篤學力行家萬山中未嘗出與人接惟一二詩友數十里外郵筒往來

奉和金秋屏師書院坐雨見寄韻

病身半月未登臺細雨濛濛長綠苔
葉底殘紅流水去庭前春霧襲人來
怕過南陌泥沾屐獨倚西齋竹映杯
儘日昏然無住著新詩寄到好懷開

盛

世字泰父一字復性金華諸生

太液池蓮歌

物性各有宜所貴在得地不見太液蓮池光動佳氣一根一葉盡飄然
流香幻作人間仙乘秋結得實顆顆露房雲子高擎天江南亦有銀塘
采雨後花開顏婀娜玉藕未負尙泥塗

兩浙輞軒錄

卷三十

金玉音盛世

七

人道苦心自細瑣

王

臚

字殿衡金華人
著雪艇詩鈔

金華詩錄雪艇食貧工吟山左陽一齋官婺州協鎮一
見異之比諸公之得孟從事聘爲書記且爲作詩序

秋日溪行

別有潺湲一港通
夾流兩岸轉飛蓬
沙邊人釣秋江碧
林外馬嘶夕照紅
木槿闌珊田舍雨
荻菰爛漫野塘風
鱸魚豈必家鄉美
滋味從茲到處同

諸葛第

字文化
蘭谿人

秋雨連宵昨舍盡漏夜起移牀偶作

士賤久作客如風舉鴻毛
杜門故高致媿我非其曹
行李老歲月泉石嗤布袍
暫來廡下居乃當秋怒號
夜雨如注壑狂飈駭奔騰
衾絮冷如鐵屋瓦葢不牢
平居歎涸轍此日無宗

巢感我孤介士囊書日夕勞定計葺故廬無爲空鬱陶

杜時芳

字汪千號春臺東陽恩貢生官武康教諭著梅浦草堂集

蠶婦吟

日午雨初霽桑柘綠成圍攜筐步田塍仰見倉庚飛采采筐
已盈綠楊挂斜暉蠶飢不可忍急向室中歸鼎鼎做新絲軋
軋鳴夜機田家無遠別不待寄寒衣

趙

鉞

字亮采東陽監生著曉嵐吟藁

戴絕齋曉嵐吟稿序略曰巍山去東陽五十里而近單
椒若屏障率然起洪游中溪溪白溪分流山下趙氏自
明初卜居其麓傳世四百年如班祿所稱士食舊德農
服先時者亮采肆力于詩又以其性靈所融結淡墨作
一水一石山林宮其雲
海震盪與詩互相發明

溪行

潺潺水聲聽不了山迴路轉春雲繞斷崖又見板橋橫一塢

炊烟茆屋小

徐紹溥

字博公號雪厓東陽諸生

戴邛曰博公苦學好吟貧無子而天其爛漫握管尋詩晨不能炊勿問也歿後遺詩止存一二

古意

我昔贈子玉搔頭手挽青絲上翠樓
子昔遺我同心結綠窗細雨丁香舌
一朝星散隔風煙兩地相思怨各天
高山疊疊波淼淼記得盟言日皦皦

樓秀起

東陽人

燈花

夜靜燈昏歲逼除煙條星葉結寒廬
家貧自審無他喜婦紡

棉花子讀書

李秀遠

字仲達東陽諸生

舟中坐雨

鬱雲盤千山飛雨灑一壑扁舟駐短檠
篷聲打窗落茅店路難尋莎隄棹初閣
酒樓渺安在枯腸久云涸蓬轉信飄飄
何由論著脚

陳孔揮

字斯韶一字雲舟義烏拔貢生官平湖訓導

登高望金華山

金華之山勝金谷可釣可盤雲滿屋石碕巖上望仙鄉綠澈
元天三十六身飛不到心則然菊花盃汎秋雲天此間便是
冰壺洞醉倒青溪閣夜弦

倪光熊

字報禮別字璇庵浦江人著姑蘇行草璇庵稿

樓上層曰璇庵側授武功大夫性豪邁好文字交

芍藥已謝

曾見繁花護短籬。忽看芳藥已過時。人間春去渾無迹。病裏
花開半不知。躡屐窺園情轉洽。銜盃卽事意嫌遲。狂香冶態
都如夢。惆悵臨風寄所思。

張素懷

字大鋪永
嘉善生

中秋花柳塘泛月

露氣橫空夜泛舟。盈盈華月正當頭。一天星斗壺中影。大地
山河鏡裏秋。高詠欲追牛渚客。攬衣思上庾公樓。清光如此
難孤負。花岸沿迴興未休。

周

擬

字鴻澤永
嘉興生

秋夜寄懷魏允涵妹婿

今夜月明好。故人不在茲。西風吹別况。秋雁憶歸期。霜雪鬢
鬢改。江湖歲月馳。披牀成獨咏。松影上衣遲。

李天衢

瑞安人

贈林暹上人

大師寄跡林泉久睡起胡盧笑掩口下士問師何所笑笑人
鹿鹿天涯走大師獨醒客問禪誰知茶熟香於酒松根頑石
解元機嶺上白雲堪結友工夫不在佛千聲了悟但吟詩一
首陶峯一箇破沙盤扶起賴師出隻手五蘊皆空一物無三
十二相何處有項後圓光照大千手中如意揮星斗斬斷雲
門爛葛藤踏翻雪竇開窠臼透脫元關見本來此中作用夫
豈偶

唐嗣益

字象謙瑞安康生著東園集

遠浦帆歸

天際茫茫幾點微不分晴雨亂帆歸昏鴉已趁危檣影帶得

閒雲逐隊飛

金

曉字捧日號曙
海瑞安廩生

和鄒勉庭卽景

荷亭畫靜綠陰鋪午睡醒來一事無爲待良朋兼待月自烹
鱗眼捲蝦鬚

松林漫興

蹟寄松林遠市闌柴門雖設未曾關已無車馬驚清夢自有
琴書醒醉顏紅杏出牆春事足白雲當戶野心閒幽人終日
澄懷坐愛聽泉聲落遠山

陳敬脩

字畏三
平陽人

許峯

不畏披荆棘登臨萬仞巔身離天尺五目小界三千潭亦龍

應伏仙人鶴未旋
烟凝山色暝步履尚畱連

陳秉倫

字尚孝號東籬平陽貢生

晚宿崇教觀

暫停雙蠟展暮色已蒼然
徑曲疑無路山深別有天
爨分丹竈火香繞玉爐烟
坐對談元者忘機夜不眠

潘洪疇

字範九海寧諸生

謁岳忠武王墓

一詔金牌萬古歎中原北望總漫漫
君王莫洗青衣辱臣子
翻畱碧血寒回首河山經百戰
可憐風雨剩餘酸六陵已朽
冬青樹尚有遺民淚未乾

章周易

字連三分水人嚴州府學諸生

過給事故塚

羅溪山外望孤墩野色蒼蒼欲斷魂數朵紅花遊客淚百年
青草累朝恩殘碑銘沒苔生厚華表文添鳥啄痕身後能知
興廢感子規啼罷月黃昏

章周詩

字誦三分水諸生
著冰心齋存稿

周禮冰心齋存稿序畧曰冰心齋存稿一卷山人頌三
所作也頌三一字輅軒幼寡言笑喜讀書素多疾病年
十八始學爲詩僅
二十有三而歿

松樹

朝煙夕翠鎖孤岑千尺長松歲月深昨夜西風將作雨臥聽
橫外老龍吟

晚登吳山眺望

炊煙遙接暮雲浮十萬民居指顧收燈火街衢通夜市笙歌
樓閣間清秋繁華今日仍衣錦佳麗當時比汴洲坐久不嫌

風露冷大觀臺畔月如鉤

林文元

字阮林號蘊山海寧籍仁和監生著潤屋老昌等集未然小稿

雲螭齋詩話林氏世以醫著名阮林少而習之自靈樞素問以及諸書余見其日置几案旁問之無或遺可謂三折肱矣詩格簡練學昌黎

過戴鵬亭山居

秋意晚更深水竹互明媚溥溥滋清露了了刷寒翠天風動長呼萬木有潮勢新月如待人依約峯外至吾徒快合并豁茲離別意耳目羅幽賞曠然淨無累得句吟復吟寒肩聳山字

董世熙

字維情烏程諸生著明軒詩集

除夕

檢點風光又一年椒盤親奉北堂前荆妻與進宜春酒稚女

新藏歷歲錢鎮日常閒忘富貴此時無價卽神仙清貧莫道無佳趣舉室團團樂自然

董香齡

字星池一字懷西烏程人著大還山房詩集

水亭新漲

一犁梅雨前村急萬壑平添三尺雲正是秧田分把後茅亭小立看波紋

尊酒行

嶧陽半死之梧桐斲爲琴材置齋中張以古絃歌一曲游魚出聽葉落木自識歌意苦不顧知音稀春風聊浪不自得明日有酒今須歸

張景和

臨海人

陳輝曰張景和臨海縣吏雖在刀筆中喜作詩同輩多笑之曲亭顏公華維名士也來作令一日見其詩亟稱

賞於是人皆知景和與善詩如宋時筆吏楊瀚矣嘗荆
野淮陰釣臺三分事業青齊國一世榮枯兩婦人及山
行云篠林濕幻雲雷狀虛壑晴蒸虎豹
腥顏孝廉崇梁載入摩墨齋詩話中

保義集曉發

柵冷雞聲澀燈明山店開更溫殘夜酒重撥未寒灰月自東

南照人從西北來此時慈母意展轉幾千回

江浩然

字萬原嘉興諸生著北田詩應

格門詩話江浩然字萬原號孟亭嘉興人少喜讀竹垞
詩屢試不利棄舉子業客諸幕府記覽日博註曝書亭
集世頗稱其該洽詩如咏春風云愛他寄得多番信要
路開門不世情題宋徽宗白鷹圖云毛羽何須誇白雪
官家曾為著青衣抒
詞寄意皆極深刻

過王舍莊宋龍圖侍郎張揆隱處有讀書堂東坡題額

今莫可踪跡矣以詩弔之

憑弔悲風幾白楊熙寧逸老舊時莊碑橫古道畱殘照人記

躬耕說侍郎有母克成偕隱志無兒難問讀書堂高樓更憶
韓倉上一代于鱗亦渺茫李滄溟白雪樓舊在韓倉王元美詩漢京兩司馬吾代一于鱗

朱

蔚字霞山號西移桐鄉貢生著春明吟稿一卷

鮑廷博曰西移工詩文與杭莖浦周楚榭諸君齊名年甫四十而卒遺稿散佚僅存春明吟稿一卷乃赴北關時作也

雨中懷姚大玉裁世鍾

春風吹雨來絲絲濕簾幕客居易爲感卽事更蕭索言念同
心人讀書隱岩壑屋繞泉流清門對峯影削夙昔夢見之清
吟共高閣良會果何時雲烟紛漠漠

送龔明水鑑之宦甘泉

仙令淮南去孤裘一葉輕春風楊子渡殘雪廣陵城繞閣梅
花冷垂簾月色明西堂公事少午夜有琴聲

送嚴吉士十區疑假還杭州

蘆溝晚色送吟鞍
風雜驚沙刮面寒
到及西湖春正好
段家橋畔雪初殘

一鐙風雨感年華
客久情翻怕憶家
怪得臨歧忽惆悵
梅花消息各天涯

董士驢字鳴遠
烏程人

春日偶詠

獨立迴廊伴囀鶯
賣餚時喚隔牆聲
石如傲客當軒立
風解畱花著樹輕
買得文魚添藻養
摘來春茗折松烹
鄉村欲寫烟霞樣
幾處幽窗共客論

丁植字明光
號抱亭
松陽諸生

山莊閨詞八首
選二

織簞

山前山後竹千雲破竹清聲到處聞
三日新娘方洗手便來學織簞花紋

曬笥

家家曬笥一時忙簾外登梯趨夕陽
却笑天風偏作劇無端吹起妾衣裳

葉

丰字少曾號仁剛臨海人乾隆甲子

成學標曰黃河清台故隨筆稱仁剛好讀書不知生
與婦梵燭共飲勿問家有隔往賣文自給得錢則沽酒
左丞樊門與為師友學使者王帶河檄送敷文書院肄
業掌教殷翰林元福方明府致如俱賞其文至老始舉
於鄉終依其女於寧海水車陳氏以卒詩工香奩體咏
物之作尤多所著鏡水集一帙其甥陳南岳手編

雲龍圖歌

赤日輪藏青帟沈噓雲有物不可尋
崢嶸歛似露頭角火旗一照開陰森
憶昔海壖曾目覩天開此圖作霖雨
空堂醉墨何淋漓藥已酒氣滿阿堵
掀騰怒作鱗之而水光欲倒風欲
凝雌雄停此那復辨秦擾釣屠奚
所施體勢屈蟠難計丈勁氣生風著
紙響繚以烟雲百十里精靈奕奕來
又往匠手力大能寫生葉公見之將
毋驚始知子高所讀畫當時僧繇未
點晴我聞神龍不見首海天一現事
之偶丹青巧洩造化奇信筆出無還
入有何當移置大雲宮破壁橫飛解
蘊隆不然跨爾排閭闔不然鞭爾遊
崆峒歌殘一曲水龍調滿堂颯然起
寒峭秋燈影閃墨痕紅劍在匣中亦
長嘯

春日郊遊

恰恰鶯啼欲曉天
喚人擔酒入林泉
沿崖覓路僧先引
選勝

看山席屨遷心靜掉頭嫌鼓吹興狂揮手弄雲烟日殘數點
紅英下芳草非非索醉眠

海門大鐘歌

天雞叫白桃都境一點紅浮雪山影貝闕填填雷鼓翻瀕海
千家猶霧局信國樓船下海門銅刁聲亞洪濤吞麗譙欲設
司晨器海神傳檄蒲牢奔蒲牢之骨化爲鐵長脣巨鼻腥蛟
血入水千年浴翠光渾身蝸蚪文奇絕鏗櫓衝波天際來魚
龍屬屬滄溟開一夫拽之登檻易百夫輦岸聲喧虺吐納陰
陽靈氣孕滄晴雨旌賓應半面長乾半帶潮蝕波猶見分
鹹壘大壑長風撼不休桐鯨吼發驅龍愁年光送盡東風逝
夢破華夷萬斛舟防海樓邊鏗百八金鼙寺柝遙相答秋風
敲落黃檗村連環汎地霜聲匝君不見顧黃之寶浮金鐘羽

毛一拂開羣蟬海樓神物同鑑鑄豈與凡響爭雌雄
欲迴淵醒海若豈與凡響爭雌雄

鄒

瀚字北溟號鷺目仁和人乾隆乙丑進士官桃源知縣

豐城懷古

男兒多意氣長劍倚太行一揮走魍魎握此百鍊鋼嗟哉豐
城劍徒爾發奇光天地之神物當爲烈士裘蛟螭不得斬不
如埋土香所以延平津化作雙龍翔

王

瓊字待成武義人

秋夜獨坐

人靜夜將半蟲鳴秋已深遙情千里月獨坐一生心詩就誰
能和杯乾自可斟殘燈光不滅耿耿照鳴琴

夏客白溪

夏日山居好風清正午天桑樞開放鶴竹榻臥聽蟬劍帶鏹
聲舞琴依鳥影懸陽潭非弱水自在卽神仙

陳廷獻

字鳳來號涵碧主人
義烏人府學諸生

燕臺送弟

孔揮歸

故園此去三千里旅館寒燈坐黯然剛是馬頭明月好照人
能作兩邊圓

王崧壽

字齊五一字鐵霞東陽
歲貢生官江山訓導

護國寺

故蹟空餘說法臺珠幢花幔不重開鵲巢梵閣知僧少犬吠
寒籬訝客來般若額淪瑱後榜文偃碑落劫殘灰當關猶是
前雙塔倒影西風臥石苔

翁光達

字履甘號漸門仁和人平潮籍貢生
官歸安訓導著陟瞻詩存十八卷

劉嘉承日漸門依叔荻洲陳泉江右後遂客游江南以貢生入成均肄業年滿選授歸安訓導博學能詩孝行著鄉里晚年以詩酒自遣

五月廿八日王鞠莊孝廉招飲令香山館時同席鞠莊

雍正癸卯余乙巳莊孝廉允升戊申毛楊二廣文俱

庚戌次日東鞠莊

五人三百十九歲僂指相看盡六旬滿座霜髭忘暑氣數杯

又飲謝器座嘉餽軟美便牙齒古貌蕭疎稱主賓世事如棋

君莫問吾曹占得是清貧

吳修道

字子謙號變齋山陰拔貢生著簪裏集

越風變齋序行博聞持身敬慎雖片紙隻字未嘗草率曾舉博學鴻詞以親老辭種學積文卒老於貢著簪裏集又著定省餘學集藏于家子尊周字恪宗弱冠即馳聲藝苑

題汪徵君師李花塢卜居圖

兩浙輶軒錄

卷三十

陽明遺集卷之三

三

我家曲江東君家曲江西山光簇琅玕水態涵玻璃隔江競
明秀樹色通洄溪言從謝公游笑指漁人迷吾友鸞鳳姿思
向阿閭棲余亦志俶儻駿步追駛騁京洛起秋風鄉心鬱以
淒揮手隔雲路清吟入烟畦千花燦巖壑一葉輕輪蹄笑眼
溢春光俯視嵩華低行行勿畱滯吾道存蒿藜

聞胡三稚威近與詩僧渙淇唱和却寄

詩思君應別禪心我亦同夕陽花影外春雨鳥聲中問病逆
居士聯吟到遠公何當引仙梵清論過牆東

田嘉穗

字西成號攬腕詩稿

陳浩攬腕詩稿跋曰乾隆九年春仁和田子倬于客余
所寄出其兄西成試卷於几上余見而愛之不數日而
西成因問至俾于悲甚因復持其出門時西成送別詩
二章讀之惻然兄弟離別之情見於文詞肫肫懇至其
平日篤於孝友可知矣

成城攬腴詩稿跋曰攬腴爲人氣高而骨重與俗人對
若不肩意者過知已二三輩飲酒論文則盡吐其胸中
之奇累曰夕而不厭于嘗
過薛氏聽秋窗與之定交
碧溪詩話余十歲請業於沈耕寸先生塾中見有袁經
侍立者則攬腴先生長子坦也時坦年甫九歲踰三十
餘年坦之弟鼎與子有姻誼始相晤節母張健在拜於
北堂坦則雙日瞽矣相與話少年同塾之事恍隔世也
以攬腴遺詩一冊出示距
先生之卒五十四年矣

前溪權歌

武康三月花未開溪流淼瀾春水來水花相映深淺色輕舟
一棹沿溪迴野鷗泛漾鳬雛起綠葦新蒲點谿水舟行偏愛
傍沙隄觸葉驚花過花底西來銅峴東霅溪四十九里風光
齊暮入花源寂深處且宿溪烟待花曙

合溪亭

巢許逃名地清溪終古留志同溪亦合百里無支流羣峯鬱

蒼蒼鼓篋碧脩脩動搖溪光裏合并寫清幽賢尹構新亭歸
然溪上頭琴尊偶斯憩懷古恣冥搜高風渺何許浩盪來白
鷗

申發祥

號南屏錢塘副貢生
官直隸新安知縣

庚子告歸畱別直隸新安士民

出處一生殊草草此間亦是理殘基疲驢蹄磨徒陳迹倦鳥
投林已後時衆裏自嫌肩胛下尊前人笑步趨遲爲今好把
頭銜換不署農師署釣師

有何功德被斯民飽喫魚蝦過四春肯以臺符供役盡怕將
牒訴見風淳閑來易覓安心法老去難追軟足塵莫怪此行
偏勇決大都耽誤坐因循

李學瞻

字景清東陽諸生

樓上曰李景浩上自父下及
曾孫五世一堂時稱其耆德

登天馬山

雲氣抱天馬萬仞仍標峯
霧靜露蕙踞石盤岩松百折徑
清宿三霄神盪霄兀兀躋其巔
撐天扶老筇日銜灩澦峽海
瀾蓬萊踪我生壯遊覽晨夕安
期逢神仙不可致一嘯登虬
龍

早梅

石瘦山頑見一枝妙香吐處
本非遲箇中莫問狂蜂蝶尙有
大邊月未知

汪鳴珮

字玉岑號鋤月山人仁和人
府學貢生著鋤月山房陰稿

朱彭曰玉岑性恬淡工詩嗜山水築別業於寶石山麓
名曰可莊有初白亭梅花觴煮茶坪聽雨廊諸勝一時
名宿如顧涑園陳寶所諸前輩皆與倡酬沒後陳
袖峯爲立傳謂其遠性風疎逸情雲上沕無羈云

房折舊汗錄

卷三十

中發祥李學乾汪鳴珮

聽雨廊

晴游與人同聽雨念我獨柴門掩寂寥蕭蕭響林谷夜冷一
燈昏猶枕松風宿

梅花坊

愛此不繫舟如通香雪海十年風浪平萬里心已改花動月
明時恍然聞欵乃

答篁村

結屋藤蘿下藏書洞壑偏倦知歸鳥意閒記種松年山近雲
微凝湖寬月正圓梅花雙鬢影猶帶嶺南烟

朱式玉

字清如浦江拔貢生

樓上層曰朱清如爲文英驚廉悍學使錢稼軒先生目爲浙江第一名士

獻山書屋簡賈谷齋

窗吞旭景槐陰碧草褪春風雨氣刪可進竿頭微妙步莫拋
悟境有無間

邵昂

字子政號鼓甫餘姚拔貢生乾隆

詞科掌錄餘姚邵昂著萬青樓

公所薦長於天文歷算著論甚多官試洪範五行聯珠

獲萬者八人獨

子政作為吳衍

姚江詩存西人測算之法本于周髀自中士失其傳西

人改易名目以符其術世遂奉為絕學矣子政通中西

之術推策布算細析毫芒手制儀象西人

見者咸服其精巧乾隆丙辰舉鴻博報罷

朱文藻曰邵昂書所著萬青樓圖編謹案

錄定四庫全書已著錄其所著詩文名萬青樓稿身後散佚

僅存殘編一卷祇文數篇詩數首為其從子是拙手

錄因子監助教張義年取家藏本經進錄入存目

舟夜擬贈

博山香燼月朦朧子夜歌餘燭影紅韻到梅花清有骨軟于
楊柳怯當風枕邊綃賸鰲人泣江畔珠曾素女逢可是神人

兩浙輞軒錄

卷三十

朱式玉邵昂書

雷

來洛浦夢回雲雨賦難工

邵廷鎬

字鄰豐山陰人著蕙畦詩集

蔡英曰越中才人多以藉遊晦迹邵布衣迹懷一首飲恨幾許名士矣集中遊覽之作多在荆湘充豫間經行萬里較之閉戶呻吟者胸次自殊

荆門道中

鷓鴣聲裏雨絲絲行到荆門薄暮時馬上風來香撲鼻一池春水浸棠梨

樊口曉行

挂席渡樊口隱然黛色多不知深霧裡多少好山過到處驅衣食經年負薛蘿回看歸路遠渺渺溯烟波

自題畫

水樹雲山信手裁南宮北苑任人猜生平畫稿從何得曾歷

風霜萬里來

越中春遊懷古

到處樵風引畫船
美遊不盡舊山川
夏王祠下桃花雨
西子村前薜荔烟
謬示漫漫從長慶
集風流結想永和年
況今飽歷塵途後
俯仰彌增泉石緣

答漢陽司馬詢余居處

翠嶂千重水幾灣
竹梧深處掩柴關
感君厚意殷勤問
家在山陰龍尾山

張元旭

字肇昂永嘉人乾隆丙辰舉人壬戌登明通榜官餘杭教諭

陪錢太史遊仙姑洞

巉巖古洞五丁開
傳說仙靈此脫胎
入夜素娥窺月牖
凌晨玉女侍粧臺
騰空嵐氣侵衣袖
倒影巖花落酒杯
乘興不知

歸路晚撩人江鳥尚徘徊

史

園

字象舟號立山歸安人乾隆丙辰進士由翰林改授上杭知縣

過孫沅亭孝廉新居次壁間韻

紅雨碎堦除綠陰浸牆屋一編陶潛詩幽人映花讀我來值
初晴茶煙散疎竹相對澹無事傾囊瀉珠玉

鍾蘭枝

字露華號芬齋海寧人乾隆戊辰進士授編修官內閣學士著芬齋詩稿

正月六日移居澄懷園

上林東去號名園小住何勞卜築煩鳴綠半池通曲徑螺青
千岫列高軒境幽自得仙源樂心遠常同勝友論且喜嚶熙
破岑寂對眠清話閱朝昏

獻歲天開麗景遲新鶯拂羽欲遷時門環一水烟霞出地接
三山草木奇却愛芳鄰堪共卜未容俗客漫相窺筆牀茶臼

安排處準擬閒亭好賦詩

李正複

字芳遠東陽人旌表孝子

金華詩錄芳遠性至孝在襁褓母病哺乳不食及長不離親側父疾臥牀周旋左右以孝行為邑人公舉請旌

客中夜坐

漫點松燈檢客裘清宵獨坐在他鄉淹留白憶家園好飄泊
誰憐驛路長對我禁寒梅倚檻照人無夢月侵牀隔垣疊奏
關山曲增感騶愁斷客腸

蔣茂春

字應奇號開菴太平貢生官壽昌訓導

陳焯曰拙菴承父存齋家學爲文根柢經史晚得壽昌教職卒于官

重遊雪山寺

寺裏遊經二十年風光似昔半茫然殘碑草沒東西路古井
苔封下上泉怪石當門驚虎據枯藤挂壁類蛟纏老僧猶識

兩浙輶軒錄

卷三十

以醫 卷三十 之 二 香 牙 牙 牙

三

曾來客拄杖歡迎入法筵

張世仁

字元若號香谷平湖監生著香谷詩鈔

錢仁榮曰香谷兄世昌字振西號敬坡著敬坡詩鈔
兩人詩合刻題曰對牀吟慈山居士曹庭棟爲之序

春日雜興用慈山先生韻

扁屏便覺似山居隨分襟懷頗自如
愁不假攻堪廢酒睡何妨引且攤書
風捎老幹紅初褪雨壓柔條綠漸舒
却憶親知消息斷憑誰得得寄雙魚

倪錫祺

字孔階號圖南仁和人官海州州同

去官

去官始覺一身輕湖上樵漁老此生
兩鬢早霜催暮景十年淮海盡虛名
娛情久擬陶彭澤縱酒何如阮步兵
歸到敝廬唯課子閒時更作看花行

王守矩

字方之
化諸生

初夏入慧照寺

清和當首夏到此愜幽心
市遠人踪少山深樹葉陰
飛泉懸絕壁古木駕危岑
誰是高吟處但聞鐘磬聲

楊仲達

字躬桓
杭成貢生

洪濱村訪孫翔圃

爲憶紫髯客輕攬湖遠汀
鸞拳清淺水人語短長亭
到岸山廻合登堂客醉醒
攜牋分韻險涼月上疎櫺

馮拭褒

字華友
義烏人

金華詩錄華友以乾隆五年援例授永川倅以憂歸
改福寧其間署縣七署州署府各四所至有政聲

都門冬日

滾滾黃塵合濛濛欲雪天
小橋流水斷古木舊巢懸
囊涸憐

兒痴家貧仗婦賢何時辦蓑笠共上釣魚船

孫

焜

字國華號肅峯餘杭拔貢生官壽昌教諭著燕遊粵遊吳興桂邨吟草著溪維詩

合歡花

交柯接葉一枝枝開趣梅黃雨細時未許名花誇並蒂應教
結子號相思團飛粉蝶都成隊借宿文禽不肯離仙種合栽
如意館高燒紅燭醉瑤卮

張

海

字巨川號塊齋錢唐監生官潛山知縣

張椿年日城齋先生先大父通譜兄弟系出金華後遷武林由國子生授例分發四川榮經縣尉後以卓賜丞歷署靈璧蕪湖天長丹徒等縣授霍邱令調英山潛山凡宦蹟三十餘年所到皆有廉名晚年歸與馬恬村吳瑞麓及先君子時有倡和卒年九十有六生平據實尚義多屬急著作頗富措無定本述懷詩十首可得其歷官大略因錄存之

戊寅惠懷

念昔交遊滿

帝圻一朝分手任東西微名黯黯憐蝸角薄宦迢迢信馬蹄
芳樹茂時秦棧暖亂山深處蜀城低由來凡鳥原非鳳何取
心憎枳棘棲

閒曹無事合安眠豈料輜軒促問邊四塞雲霞多聚米百番
瘴癘獨懷鉛耶筒酒美人常別丙穴魚嘉客未旋贏得頻年
西域地葡萄處處送張騫

豈有循良得著聞松磁父老忽欣欣舊傳五日張京兆今作
三年白使君報政迢遙心向日寒帷反覆事如雲誰知大別
山前路又爲勞人暫息勤

柳

溥字德洋號潔夫錢塘副貢生著河東集

遊白蓮菴

屈曲陟山巔湖光在眼前石寒侵瘦骨林靜愛枯禪嫩筍山
厨飯春茶古礪泉蕭然忘世味風外響鳴蟬

偕勞孝廉郁亭重遊白蓮精舍

蕭寺久不到淒清風日閒寒蛩吟亂草紅葉點秋山憩足亭
臺下評詩水石間白雲無恙在終日戀柴關

穫稻

槿籬板屋野人家老樹開殘秋桂花新削竹鋏鋪早稻深添
芋火焙秋茶百齡甲子忘朝露三徑功名指暮霞我亦天涯
一逋客願從食力種菑畲

新秋同人泛舟湖上遇雨次汪大抒懷韻

佳遊苦觸熱風雨散炎蒸列坐人咸集登山屐未勝窗臨雙
岸柳柳濯一湖菱江米知應賤何須問斗升

毛元存

字睿中錢唐諸

吳穎芳雜詩序略曰詩之爲道難言也辭不賸不足
達其思不精卽沛然於辭而境不深辭與思既相諧行
乎其間之理趣別有含吐應適之妙他文所不有獨詩
有之而其造詣之深淺則又有格以高下之格高則性
情真淳入於古格下則入於時非有出於辭與思之外
而僅以辭與思逞長青或未能深乎格自唐以下具以
格勝有畧於辭有不畧於辭舉不足以及其格詩之上
乘也唐人則驚於辭及思矣其格宋元亦不然故其所闢門
戶或平或奇或濃或淡或天眞自然或鑄造卓犖變化
不窮而其爲辭瞻思精則一也其進乎格亦一也譬諸
紅白青黃各成其色酸醎甘辛各成其味宮徵商羽各
成其聲球玉金貝各成其寶執此而審彼者何也唯知
守一而棄其餘者陋也曩余聞於唐中之論詩也如是
然唐中亦僅能言之所不逮其志有未呼唐中衣食
到其人也程舉程文之累心也僕僕是也二十年終不得志
之以死乾隆戊子嗣子潤芝舉於鄉將訂先人遺稿貯之
喪中而北上余有後死之責謂非余不足以訂其詩
爲之登雜詩百首於後附以他作數十什成一編
朱文藻曰毛睿中與吳西林兩先生弱冠同學繼卽
婚姻之好故情誼最摯而學問所得亦並深矣此序

爲一生論詩有得之言盡
於此發揮茲故詳錄之

寄惇友

何事家園夢偏從客邸生別離前日恨風月異鄉情積學期
吾弟無能愧阿兄慈親多病體藥餌慎經營

讀書秋樹根圖

高齋盡虛寂庭樹落清陰樹下麗眉客蕭然橫綠琴心隨野
雲遠氣與秋天深散帙閒搜討胷中足古今

沈祖蔭

字古音
秀水人

南野堂筆記曰古音篤行君子也爲詩不事雕琢以自
然爲宗其佳句如春山看盡好在夕陽間宿霖花港
滿新獲稻田低天邊遊子遠江上好山多風神駘宕中唐妙境

竹田村墅

暝色來簷際秋暄東復西宿霖花港滿新獲稻田低撲撲迎

入犬膠膠正午雞一椽如可借便擬問幽棲

荷衣

輕莎一片水田春
翦取成衣屬野人
漁浦蓼花閒有影
柳塘披拂淨無塵
遙從青箬烏篷外
認得斜風細雨身
我欲繪圖添笠屐
便應西塞問投綸

江行口號

翠螺結復結
修眉變更彎
春山看不盡
好在夕陽間

半畝園步月口占

山行

居民晚飯罷
絡緯鳴向夕
猶有不眠人
吹燈語簷隙

一帶連蜺向日曛
忽看巾子白
紛紛青山自是多情物
繞了朝雲又暮雲

野步

步屨前村去時聞叱犢聲江南農事早二月已催耕

沈

璿字琢英號玉崖嘉興人乾隆甲午舉

南野堂筆記曰我師沈玉崖先生與弟阮山外舅少同
受業於敬甫桑先生目為二儒外舅早卒桑先生歎曰
沈氏二儒弱一个矣師玉崖先生淵邃理窟根柢六經
讀書作文必以縣令致用為最後以孝廉謁選歷任甘肅
伏羌鎮番諸縣令補崇信令所至以孝廉謁選歷任甘肅
循聲而性耿直不持倚阿上官官十年卒以報罷文傳
賦詩先生其辭曰我師蘊孤抱出宰歷數縣如傷政惟
儲濟儒才益綽綽公獨遺西京忠厚遺宗門輕斗管
華國重文彥邑小道氣深山高靈雨遍古來風俗佳不
外農桑勸先生答書曰來詩頌我亦規我愛我凋瘵矣
道今又二十年同思向青諄諄往復師
若弟性情骨隨都在俗學授受之外也

哭弟

奇恨茫茫欲問天一回悲感一潸然祇餘形影成單隻無復

追隨序後先楓香天風吹斷雁沈寥秋氣明吟讌十年抱膝

空齋志架上塵凝寶劍篇

燈殘酒醒漏遲遲夜雨傷神今始知歌哭廿年渾似夢因緣
再世可能期聲吞舊社聯吟處魂斷貧家未娶時一語慰君
泉下意大書志行有吾師

將乞傳於
桑穀南師

新秋喜琢堂枉過客齋

一番驟雨響輕雷秋意剛從枕簟迴捲箔愛迎涼氣入拋書
喜報故人來久虛佳日清尊共不厭高吟白髮催指點郊原
風物好尋幽杖履許追陪

秋日感舊哀亡友李東坪作

記訪幽居欵竹扉琴尊清勝俗緣稀秋墳宿草傷心綠舊社
聯吟過眼非處世獨存骸髀骨長貧甘老薜蘿衣故人挂劍
餘風韻讀罷遺詩淚一揮

題友人漁川圖

我亦年來羨息機，問君何處鱖魚肥。
綠蓑青笠滄洲趣，月滿空江釣未歸。

沈

珏

字友黃，號阮山，嘉興諸生，善阮山詩草。

南野堂筆記：口外舅阮山先生，天才俊逸，長轡未聘，詩多散佚。

恨別

數聲玉筴黯滄洲，長短離情逐逝流。
望遠雲山遮去路，滿天風雨怕登樓。
疎蟬咽斷鄉園夢，黃葉飛殘海國秋。
料得孤篷今夜宿，一江明月使人愁。

謁虞帝祠

祠前萬頃野田青，祠內松筠滿一庭。
終古雲山通夏蓋，昨宵江雨洗春屏。
風清月白猶留韻，地老天荒木石靈。
獻歲傳芭

紛糝火醉眠巫覡意沈冥

張

琦字田毓號榮菴仁和歲貢生著元雅堂集泮游草

客中除夕

西南兩地寄雙魚爲報平安一紙書魂夢不知身是客家鄉
同此歲云除食貧婦賴支持力負米兒猶邊塞居塊我青氈
紅燭影屠蘇獨酌意何如

兩浙輶軒錄卷三十

兩浙輶軒錄卷三十

沈珏張琦